

丹徒縣志據餘卷十一

人物十二 列女二 完節 守貞

李鄔氏諸生灼繼妻年二十五而寡灼歿時勺水不入口者屢日欲以身殉因腹有遺孕勉強進食後果生子紹基晝勤女紅夜課兒讀紹基年十九補博士弟子員氏笑曰可以慰良人於地下閱月紹基旋病卒氏長號幾絕意不欲生時灼妻原配程氏子均生有孫繼紹基後不數月孫又幼殤氏蹶然起曰天既奪予夫復奪予子今又奪子孫天其速予之命乎因自縊死時康熙六十年七月二十六日也陳郡守題贈從容就義顏額以旌其節邑人余京哀之挽以詩乾

丹徒縣志據餘 卷十一 完節 一

隆三年奉 旨賜帑建坊表其閭 節家 乘

李曹氏諸生大生繼妻年十九歸大生甫七月而夫卒欲以身殉翁姑百方勸慰以夫弟大經子宗元為嗣始稍節哀大生元配周氏遺女五皆教撫之其季女適鄭者嘗曰我繼母何異生母也言之涕下性仁慈進退一秉禮法晚年茹素誦經宗元登賢書時粵寇猶熾家計甚窘氏見之眉略一霽焉宗元入都以其母苦節聞於 朝得 賜帑建坊年家子王學使先謙為之立傳 節家 乘

殷方氏諸生文龍妻年二十九而寡無子以夫兄福禧子元善兼桃元善生六歲喪母何氏繼母袁氏亦不

三載而歿迨福禧更娶張氏元善年已十五先後十稔中上侍衰姑下育嗣子料理家政戚郇交稱元善後官新陽迎養以終卒年六十有六 欽旌節孝

魏戴氏孝廉方正戴楫女夫華裕亦舊族氏年二十六而寡生子三俱早世惟長子有室氏率婦王氏苦節共守衣食不給至爲人傭年七十餘白髮青裙動中禮法王氏年亦四十有四

陳尹氏文童玉樞妻年十六歸玉樞生子振鏞十八歲守節結褵僅二載閱二十二年卒時年四十生平好施與凡里中貧民孤孀周卹之舉靡不樂助歿後遠近貧民來弔者皆隕涕撫孤成立讀書有聲振鏞尤

丹徒縣志 卷十一 完節 二

嗜金石博雅好古兼嗜六書之學人咸謂苦節之報

云邑人張長慶誅並序歲甲寅季秋之月故陳生樹珊配尹宜人卒嗚呼傷哉夫行期範俗言貴關幽余愧不文既黍葭葦世好兼託習知有素庸忍默然爰注旌旒用誅厥德辭曰惟節與孝彝好在民式茲令德風俗以醇露團宵白霜肅秋新旣光且潔允若斯人斯人所天亭亭植玉甫慶和鸞旋悲寡鵠有子呱呱週歲未足將是孤雛莞然影燭十六爲婦十入居孀胞闕昆季眉健高堂顏色警欬瀟瀟隨壺鷓進承歡笑退而心傷惻惻其心恢恢其識操持家政井然不忒有嚴有翼令儀令色釵亦兼冠克勝厥職厥職無忝廣譽以喧鄉黨戚族人無間言詬評箕帚俗薄不敦誰示壺範惟邦之媛閱廿二年肅雍不廢坊表待鑑志乘宜載亦旣抱孫堂登四代玉茁蘭芽後福未艾緣何劫運乃遘兵爭秋風多厲三歲再更骨月播徙室家經營力瘠神瘁痼疾以生斯人之志堅逾金石斯人之操寒凌松柏松栢不凋金石無斲胡爲斯人冥然窀穸我哀其逝我悼其心飲忍冰檠穆穆淵深昊天不弔終焉永沉曷慰泉壤徽是德音

許王氏宗仁妻舅業鏊板浦舉家僑寓淮郡舅暴疾卒

奴者盜主金家頓落又遭回祿宗仁旋以憂逝氏時年二十四女七歲子奎文見尚義甫三歲姑年六十幼

孤在抱衰姑在堂煢煢無依日夜泣偶寄食親串家心不欲辭去遂躬操作縫浣紡績暑汗被體冬寒十指盡裂雞鳴起夜漏三下不息歲時疾病作弗輟得食先奉姑次以哺孤自啜薄粥或煨薯蕷數枚而已姑嗜淡巴菰日必市以進姑泣止之進如故子患痘目不啟者七日貧不能延醫禱於神子夢神送之歸果愈子入塾師愛其慧念其貧辭脩脯氏德之輒焚香叩於家及子長能養氏年四十餘矣論者謂二十年中含蘖持冰養就衰之姑至於耄耄撫弱小之子

丹徒縣志

卷十一

完節

三

女至於婚嫁成立俾許氏將覆之宗復有一縷之延以至於昌熾皆氏之精誠血淚致之也自初守節卽茹素禮佛歷四十一年至老彌篤同治癸酉年六十五卒是夕里人見紅紗燈綠輿駐其門訪之卽氏卒時也初氏姑將歿願孫婦陸氏曰爾事爾姑當一如爾姑之事我陸氏事姑亦以孝著孫六人漢棻縣學生汝棻進士戶部主事清棻候選知縣濟棻舉人郵傳部主事曾孫八人樹翁舉人法部主事人僉謂爲節孝之報光緒十六年旌贈恭人節行略

周朱氏之桂妻在室時嘗割股療繼母疾果愈年二十一歸之桂家貧衣食所需咸取給於十指之桂病革

倉皇失措再到股和藥以進竟不起年三十守節生  
子二文煥文元因母家朱氏無後命次子文元繼之  
更名紹周而文煥生子不育復以文元次子嗣文煥  
使兩姓得延嗣續氏識字明大義用心之苦如此年  
六十時忽病劇紹周詣郡廟疏乞願減已算以益親  
壽果越十二年老境豐娛七十二歲卒天之報施不  
爽非此母不生此子可敬也光緒十六年 旌封恭

丹徒縣志 撫餘

卷十一

完節

四

人宜興陳任陽譔傳文曰周母朱太恭人處士旭  
煥次日文元女二母在室即以孝聞繼母病篤醫目  
為不治割股和藥以進得瘳以是宗邨稱之無擾奉父  
一於道光二二年于歸周氏無何粵匪竄擾長物  
母挈子女遷避於南鄉之下歐村封翁以家無長物  
又業無可營憂勞成疾而醫藥無資母願天請代復  
割腕肉為飲百計求效竟不起乃拚擋成殮後欲權  
厝於是鄉鄰之動行路始有助成之者以此地非可  
勝號哭幾絕感動沙溝鎮僦寓焉飽煖者皆藉十指  
久居復之江以北之饑寒求父元漸長復口授詩書遂  
洗首垢面夜以繼日煥文元及郡城克復謀歸故  
蓬首垢面夜以繼日煥文元及郡城克復謀歸故  
為講解志氣絕不境而稍墮及郡城克復謀歸故  
里而朱處士夫婦先後附身附棺盡哀盡禮既為  
其兩子各使習業因忘夫家先人墳墓若不無  
生理清後人將有數典而忘者奈契據全失故老無  
存幸曾隨祭掃乃僱車引路懷餅充饑跋涉於深山  
窮谷中者三年餘始得尋獲又與子輒不復命以文  
文元繼之更名曰紹周而文煥生以朱氏無後以文  
元之次子嗣文煥鳴呼母之遇與母之不育復以文  
窮而能於遇之極不堪者卒所注裕如使兩姓得延  
嗣續兩子各自成不立較固於所遇而徒以兩姓得  
何如哉儀徵于百川封翁嘗指紹周而告余曰此苦  
乃周母之期也故重視之而彼亦能克任所事不負  
為詮次所聞而報之於光緒十六年呈請旌表  
奉旨建坊入祠並於光緒十六年呈請旌表  
得請四品封故稱太恭人壽果越十二年不起紹周詣  
郡廟願減年一紀以延母壽果越十二年不起紹周詣

歲於光緒十九年五月初四日以壽終葬於南門外呂家灣觀音山枝丁山癸向陳在陽曰不極困苦難則爲臣爲妾之志節不見然極困苦難而不能超出以竟其爲臣爲妾當自靖之道則志節雖見而於道猶未合若周母者豈可以婦人女子目之哉按嗣之非本族者卽曰異姓亂宗此律設大法也而喪服各圖一以氣血爲一體也此禮徇人情也周母雖呈請爲後蓋氣血仍一體也此禮徇人情也周母雖呈人女子而動輒與道合鳴呼可以泣鬼神裂金石矣

李張氏監生溶妻溶習金珠業爲人長厚氏躬操井臼勤儉持家御下仁慈動多禮法年二十三守節冰清玉潔鄉黨稱賢嗣子玉璠亦慷慨好施集七秩筵資移賑湘省水災孫振金振遠振先振明曾孫金魁金龍金鑾金泉後嗣繁衍方與未艾振遠議叙道員補用知府歷署安徽懷甯東流蒙城知縣墾荒築隄開

丹徒縣志摭餘

卷十一

完節

五

塘修堰及懷邑北門外石路德政循聲院民猶樂道之僉謂氏有苦節之報同治十年 旌封淑人

裘蔡氏邑之花山灣人醫士長新女家貧隨母寄食西來庵女尼使任灑掃推礮之役長新歿家益困母女相依爲命忍飢吞聲無怨色年十九歸秀水裘汝金夫游幕淮南離署而寄家於東臺修脯不足則以十指助之歲已卯夫得瘵疾卒年二十四守節食貧茹苦矢志靡佗事孀母撫子女終朝以淚洗面浙人士之旅東者哀其遇而恤之氏性耿介不屑受人惠則以針黹供朝夕而歲時姻婭往來子女衣履必整潔迨母喪畢後子女相繼婚嫁成立而氏之心力悴矣

卒年五十有四守節三十年所丁顛沛之境大都摩  
肌戛骨非竈姥眈嬾所能堪者子寶琨有孝行每述

母氏苦節猶潛然出涕里人蔡慶昌撰傳畧傳曰節

蔡氏邑之花山灣人父潔甫以醫鳴咸豐間避粵寇  
亂轉徙至東台縣屬之梁梁場節母時方七齡隨母  
寄食西來菴尼僧使任灑掃推礮之役備嘗艱苦比  
潔甫沒家益困母女日課鍼術常數線為度晨起盡  
若于線乃作炊有時無夕飧枵腹就寢無幾微嗟怨  
發於聲色里黨賢之年十九歸秀水裘君南喬裘故  
世胄家毀於兵子身依親串久之游幕淮南各縣署  
而寄家屬於東台所獲修脯不足供養給居恆鬱鬱  
不自得節母曲為勸譬食貧茹苦有終焉之志人尤  
以為難光緒己卯南喬以際卒節母年才二十四歲  
慟不欲生繼念二女一男皆幼稚孀母又相依為命  
義不可以身殉乃忍痛摒擋喪務撫字老弱姻戚暨  
浙人士之旅東者哀其遇時調郵焉然節母性高介  
不欲煩受人惠終歲紡績操作以助膳資二女齒漸  
長昕夕督習女紅子寶琨甫就塾訪擇名師俾往受  
業晚歸篝燈課讀恒至夜分方輟或嬉游廢學則垂

丹徒縣志

卷十一

完節

六

涕痛哭扶之訓以孤兒當自奮勉否則將貽先人羞寶  
琨痛哭自責乃己節母家雖不給於食於子女衣履  
未嘗不整潔三黨親故吉凶遣問之禮未嘗廢缺性  
嗜施予每恨居貧不獲行其意然遇隣里以困乏來  
告者未嘗不量力飲卹處眾以和從無忤色歲時往  
來姻親所婦孺臧獲咸敬以之母孺人年老多疾維  
持備至及沒哭泣盡哀拮据以營殯葬儉不失禮二  
女先後均適士族實琨既長婚嚴氏未久婦沒復謀  
續娶節母之心力悴矣丁未仲秋寶琨忽遭時疫勢  
甚危劇節母驚憂無措晨夕禱於神祇冀邀天佑既  
而服藥暝眩不知天將瘳誤疑寶琨之已殆也五內  
震悼遂致痰入心胞溘然而逝其時節母春秋五十  
有四矣歲乙卯歸葬京口白鷺山新塋於是寶琨泣  
告蔡慶昌曰不孝善狀弗能表揚先德顧念吾母生  
平卓行惟吾子知之最深敢請撰述一二以垂不朽  
慶昌謹按節母於余族姑也又同寓東邑有年見聞  
最稔不敢以不文辭爰次事畧如右埃續修里乘諸  
君子采擇焉

吳魯氏永清妻吳本邑之望族永清與氏誼屬中表行

先是兩姓戚誼敦睦約生子女再結秦晉盟卒不爽

約氏生十餘歲患目久治不愈遂失明時值粵寇方熾永清奉母避居無錫遂迎氏行合卺禮氏年已二十四期年生子昌能旋因警耗又移居西園場越歲永清病卒氏年二十七誓欲殉姑泣諭之曰汝死子與汝子何依因勉自支持以慰姑痛艱苦備嘗百端解慰不以失明少懈越二年姑又考終氏以嬾兼子職喪葬如禮撫孤成立爲授室顏氏乃稍自慰卒年五十有六守節二十九年賢聲遍里邨焉光緒丁丑旌孫家禮家義顯名商學界曾孫蕃衍咸謂節孝之報云

李蔡氏堅妻幼嫻閨訓端嚴不苟歸堅後事舅姑能得丹徒縣志摭餘

卷十一

完節

七

其歡心生子文錦堅得癆疾卒旋文錦亦殤氏方在盛年不知大體者以不入耳之言諷之氏曰婦人之道從一而終一與之齊終身不改諷者懷慙以退年二十五守節食貧茹苦已五十年乾隆戊午旌繼

夫兄天塹次子鑿爲嗣邑人陳偉光爲之立傳

節家乘

焦周氏廣珍妻邑之諫壁人家貧日勤紡織中饋賴以繼生子女三閱六載夫卒鬻衣飾營喪葬室如懸磬里人慮爲所累鄉間素有逼醮惡習有私設斯議者爲氏聞之終日悲泣不能解行有日矣氏向眾佯言曰吾伉儷之情必至夫墓一別始可對地下眾諾之迨至墓門乃仰天痛哭奮不顧身觸巨石以求死石

爲之赤眾知志不可奪議始寢氏曰吾撫弱息自食其力秋毫不累他人受苦吾命也因往山中尋柴枝易錢購豆腐糜和野芹菜作羹以度命子大成大全孫啟祥曾孫發昱均各自樹立丕振家聲人咸謂節婦之有後七十八歲卒守節五十二年六旬後瞽目復明若有神助其曾孫發昱籌辦義振樂善不倦修譜建祠剏立義莊而於表揚節孝尤盡力焉江西葉玉麟爲立傳 傳曰丹徒焦君發昱之曾祖母曰周太廣珍六年而寡有男二人女一人家貧遺孤小慮不能自存日夜閉戶凭棺哭哭極哀有夜行過戶外者聞而異之既得其情憐焉乃爲卜其先塋隙地以葬客故相墓者曰善視兒後當貴毋渝志矣方是時里中無賴利少艾謀嫁之節母微聞度不可奈何唯時時背人哭已而伴諾曰若輩利吾醮焉得辭然當別

丹徒縣志 摭餘

卷十一 完節

吾夫墓上眾噉應至則哭愈悲跪不能起日曠夕眾促登輿忽躍起以頭觸碑血濡縷股石而僵眾駭散此時空山窮谷中風淒月闇鬼燐青熒四無人聲唯孤兒草間哭死母也悲夫悲夫死者而有知也能無潛焉隕涕乎人世傷心之事有逾此者乎夜半復蘇願兒猶在側心益愴強起抱兒歸母子相向嗚咽如隔世人自是無敢謀之者乃樵蘇以豆查野芹爲食每入山折薪兒牽衣隨山礮斲確負兒過又負薪薪賤值少食不足兒年十八疋羸禾成人母憂之減食市香禱於天三月兒倏壯即焦公大成也初周公博學而無子以文學授女用是知信義明節槩也洎創苦歷諸艱日遂耆六十八後復明親見其子若孫成立蓋濡忍四十年六十八乃終焦君言親見其大父述茲事淚涔涔也 葉玉麟曰方節母觸石僵卧時不欲生矣或竟死兒安歸乎其嗣保無斷耶然終不負其志意者天道固可憑也程嬰謂杵臼死易立孤難以是知其操彌苦矣自世風薄劣倫紀間遂無可信之人點滑偷生且以纖趨爲得計何圖百餘年間人類相去若此哉

張嚴氏諸生冠瀛妻國學樹森長女年二十二歸冠瀛



逾年生一女冠瀛性至孝旅滬疾篤恒諱言恐貽親  
憂氏促之歸禱於神以身代剗臂肉寸許無濡縷血  
不知痛驚喜得神佑病當愈和藥以進家人弗知也  
伯姑李謂其姑馮曰姪病非人參不爲功姑泣曰人  
參安得伯姑曰肉人參耳氏聞之泣曰殆以新嬾不  
知耶昨已爲之矣乃袒左臂以示相顧皆泣下越二  
日冠瀛卒年二十五守節待 旌立胞姪爲嗣孝事  
翁姑含辛茹苦里鄙賢之

蔡姚氏人麟妻咸豐七年歸人麟逾年遭兵燹流離奔  
走一家衝散人麟遂不知所之是時氏年僅二十有  
六多方探訪竟無蹤跡可尋後聞人麟歿於軍中骸

丹徒縣志據餘

卷十一

完節

九

骨莫可辨認遂以衣冠招魂葬墓守節以自誓焉

胡丁氏學松女正榮妻年十七歸正榮主中饋得翁姑  
歡時年十九正榮隨繼母渡江往揚失足落水死氏  
誓志守節視嗣子恆俊如己出恆俊在襁褓時生父  
正受歿年僅一齡母孫氏又歿祖廣信亦相繼棄世  
氏痛家道中落持志益堅守節二十餘年事繼姑撫  
嗣子尤有禮法焉

丁陳氏立成妻年二十九夫卒室如懸磬恃針黹以守  
節撫孤至於成立里黨稱賢

柳吳氏太學生鑽妻幼聰慧讀書知禮鄉里稱賢適鑽  
未久卽失所天無子祇一女名愛姑依夫兄鍾度日

兵燹後徙蔡鄉未幾女亦歿氏飲水茹苦守節四十年每讀古史輒引往代婦人苦節事自勗敝衣惡食安之若素光緒壬寅 旌表入祀節孝祠

姚曹氏國祥妻年十九歸國祥甫五載生子女二國祥歿時氏年二十三家貧孝事姑恃針黹度日迨姑歿借子女入完節堂卒年四十七守節二十四年丁巳二月請旌入祀節孝祠子士海肄業保定陸軍學校並習鐵道專科女適顧

吳王氏儀徵庠生桂馨妻寓吾邑有年光緒乙酉桂馨病危刲臂和藥以進稍瘳逾月卒氏時年二十八矢志守節撫胞姪文保爲嗣丙午 旌表

丹徒縣志摭餘

卷十一 完節

十

繆嚴氏之銓妻文焱女年十八歸之銓嫺閨訓寡言笑慎舉止夫恒游揚州氏以婦兼子職越年翁歿又越年夫歿時氏年二十姑多惑或譖之曰自彼來年餘翁歿夫繼亡皆由彼命所致姑因弗怡詎諄時聞氏安之無怨言事姑益謹久之姑知前言之妄相得甚歡夫家故豐經粵亂業落氏晨起操作夜半始休遂致疾無子撫夫兄子爲子又未育年三十八卒卒後以夫兄子桐壽兼祧同治辛未 旌表入祀節孝祠從弟嚴桂馨爲立傳兼祧媳王桐壽妻春渠女幼嫺閨範端嚴不苟年二十七夫亡艱難顛沛矢志靡他夫生母早歿繼姑待之虐氏自怨自艾恒終夜飲泣

衾濕達旦然黎明即起督婢僕灑掃浣濯旦夕不輟姑亦漸悔卒得翁姑歡撫二子成立戚黨稱賢年五十九卒光緒戊子 旌表入祀節孝祠王氏媳李鴻恩妻慎徽女亦青年守節茹苦食貧事孀姑盡禮教子女以義李氏子煥章克自立

蕭郁氏揚州人歸邑人附生繼曾爲繼妻性閑靜言笑不苟繼曾家故豐經赭亂貧甚恃硯食餬口前妻遺子女各一女幼子不肖終日游蕩氏教子女如已出未幾繼曾病痿失館氏以針黹佐食脫簪珥供夫醫藥年餘夫歿氏典嫁時衣營喪葬事畢擬以身殉旣念子女無依飲泣勉生養殮時不繼氏處之晏如而丹徒縣志據餘

卷十一

完節

十一

繼曾子游蕩無度屢教不悛朝夕對夫木主哭哭甚嘔血亡時年二十八光緒丁丑 旌表入祀節孝祠邑人繆之銘爲立傳

徐蕭氏廷標女贈通奉大夫體和繼妻性聰慧嫺書史體和無子爲置側室年餘舉一子撫之如已出子五歲殤體和因致疾百治無效氏潛割股肉和藥以進卒不瘳時側室遺孕九月氏焚香祝曰天若不絕徐氏則生男否當從夫地下後產女族人覘產爭嗣氏設席靈前默語曰陪君止此矣聞者莫解夜半縊於體和柩旁時年四十四光緒丁丑 旌表入祀節孝祠婿繆之銘爲立傳體和側室畢體和歿時年二十

三族人議出畢氏矢志不他適忍苦撫二女年六十五卒光緒辛丑 旌表

丁王氏紹仁妻年二十九紹仁歿又丁髮亂家業盡攜子立通立科及二女避依母黨孫姓恃針黹浣衣度日或勸改適氏泣曰吾家矜孤恤寡天必不絕丁氏我若他適則丁世絕矣言者媿服夫兄嫂先後卒遺孤立本甫五歲撫之如子壯復爲授室母唐無子迎養夫家先意承志母終日怡然亂定歸里助子經營公產備嘗艱苦暮年尤勤女工以所得於歲終濟貧苦年七十二卒

凌袁氏筠女耀辰妻歸耀辰未三載夫歿時年二十九

丹徒縣志據餘

卷十一

完節

十三

未幾翁亦歿家素貧典衣物營兩喪益貧恃女工佐饗殮上娛孀姑下撫孤子困苦艱難數十年如一日父卒無子遺命以所遺與之氏推與嗣弟已悉無取吳王氏應鐘女在權妻性閑靜寡言工刺繡兼嫻文字父愛之篤歸在權謹守父職夫年三十三病歿氏欲以身殉者再經翁姑諭止之乃勉起視殮撫遺孤勤縫紵浣濯以度日恒夜半不寐雖身寒腹餒恐貽翁姑憂不敢言女三及次子均先後殤艱難困厄人不堪其憂而事上恤下之道始終不渝戚黨交稱賢婦年五十一卒子沛森炳焱娣李在萬妻亦以賢淑聞光緒己酉夫歿無子以猶子炳焱爲嗣越年炳焱殤

女一未及笄亦殤雖遭家多故而矢死靡他後沛森以其次子爲李孫

謝繆氏芹昌妻桐壽女歸芹昌事翁姑盡孝晨起操作勞瘁不辭光緒丙戌芹昌歿時氏年二十七遺子一夫兄無子溺愛之氏施教不得輒自責寡德日夜飲泣子卒不肖夫家故豐而氏困苦艱難所處如貧窮考一怨言戚黨稱賢年四十七卒待旌

陳郭氏運時妻咸豐庚申粵亂運時從軍口岸營兵鼓噪驚懼致疾歿於軍時氏年二十八遺子甫四歲家貧甚氏日夜勤女工度日教撫孤子卒致成立年六十二卒大府奏請旌表子揚俊業齧有聲

丹徒縣志摭餘

卷十一

完節

十三

楊郭氏禮繼妻鎧女年十八歸禮咸豐甲寅禮病卒時氏年二十五姑在堂前室子亦在室氏以婦兼子母兼父止孝止慈戚黨交稱楊氏世業蹉經粵亂家落氏曰吾家陵替一至此乎迺先鬻衣飾清夙次謀興復屬猶子中賢而任事者復以大義責夫故人願助之不數年業復氏親見元孫五世同龔光緒甲辰卒年七十五子國泰早卒嗣猶子子世慶世恩爲孫世慶府同知世恩附生候選訓導曾孫程祖念祖程祖附生元孫立朝邑人李步青爲之立傳傳曰昔魯舉三不朽之目立德立言而外重以立功顧皆男子之事而無與於婦人蓋地道無成專以貞靜爲德其賢且才者亦僅僅助夫爲理而無由表見其所長自漢中壘校尉劉向爲列女傳而後之又家因之列女

丹徒縣志據餘

卷十一 完節

齒

者猶士大夫之列傳云亦是不徒沾沾於一行凡可  
 以信今而傳後者罔不載焉而婦人之不朽乃與丈  
 夫等子言如嘗持此說以示友友人馮君蓀石獨建  
 哉子言者蓀石之婦也夫友人也太淑人庶乎其當  
 淑人者蓀石之婦也夫友人也太淑人庶乎其當  
 蓀石乞交於予屬本此意以為太淑人壽今年子來  
 南中得讀戴君靜夫所為墓銘蓋太淑人辭世已兩  
 年矣我石為予故交而楊氏諸賢補博士弟子者與  
 予為同學僑居相去卅里而近乃壽不及慶歿不及  
 弔予方引以為憾獨幸得聞於蓀石者視戴君所述  
 為加詳焉太淑人為同里郭先生諱鏗之女楊公述  
 荆諱禮繼室也年十八歸郭先生諱鏗而子荆公率  
 是楊氏世業淮隄隸泰州之安豐場因家焉值兵燹  
 積年運阻銷滯家以中落方子荆公卒時衰親在堂  
 弱息在下太淑人以一身肩之足矣閭閻以外非其  
 也太淑人曰噫嘻吾家陵替之一至此乎料簡收合先  
 償宿逋次謀興復屬諸猶子中之賢而能任事者復  
 以大義責子荆公故人顧君相助為理不數年業如  
 其舊蓋楊氏蹶而復起子荆公雖死猶生皆太淑人  
 之功也既而前室子天亡慈姑見背外家郭氏屢遭  
 大喪雖居豐厚之中未嘗一日不見戚戚惟所嗣兩孫  
 皆讀書積學有聲庠序間又及見曾孫輩之成立會

有司以節孝白於大府大府請諸朝得旌如例  
 建坊郡城太淑人親臨其下顧諸孫而言曰自吾人  
 汝家迄今數十年艱難辛苦得有今日差足慰汝祖  
 於地下而吾之心苦矣相與嗚咽者久之嗚乎男女  
 之閑夫婦之義至宋儒而始嚴吾鄉婦人類能明義  
 禮敦節操故飲冰茹蘗矢柏舟之志而邀楔綽之榮  
 者人尚不可勝數風化之美可謂盛哉顧皆與太淑  
 彰者尚不可勝數風化之美可謂盛哉顧皆與太淑  
 人同其德而未必與同其功向使子荆公得永天年  
 太淑人一庸常賢婦人耳衰宗再造眾口交譽夫豈  
 其始願所及料哉然而太淑人為不朽矣太淑人以  
 道光庚寅正月十五日生光緒甲辰八月初四日卒  
 子一際清公諱國泰光緒寺署正前盧太淑人出蚤  
 卒嗣猶子綏之公子世慶岱雲公子世恩為孫世慶  
 國學生侯選府同知世恩附貢生候選訓導曾孫二  
 程祖念祖程祖年弱冠亦為郡庠生候選祖國學生元  
 孫一立朝幼女一適莊諱慕曾侯選州同贊曰天  
 佑德門昇茲賢母賢母之節冰清玉潔賢母之才門  
 戶起衰賢母之功眾譽諧同賢母之報盡室慈  
 孝嗚乎賢母榮名永久如金石壽是之謂不朽

陳張氏贈朝議大夫運生妻年十九歸運生閱四年運

生歿痛不欲生翁姑因氏姪身以宗祧大計勸慰始  
飲泣受命五閱月果生子心稍慰越三月翁歿越二  
年姑又歿家徒四壁氏以婦兼子職喪葬盡禮族黨  
稱之光緒丁丑旌表建坊子揚傑同知職銜謹承遺  
命續修宗譜為閭族倡創辦江南北實業公司成效  
卓著淮潤人民交相稱頌僉謂氏有義方之教云邑  
人曹汝金撰傳傳曰女子以節為重願守節非難苦  
守其節之為難撫成之子而苦守  
其節之非難撫遺孤之子而能苦守其節則難之尤  
難忘其難甘其苦而卒成其節於吾友陳君子英之  
母張宜人見之已母出自張北鄉望族也弱歲而孤  
孀姆訓事母以孝稱年十九歸陳公道生逮事尊章  
婦職惟謹閨以內無閒言歸陳四年而道生公即世  
宜人泣血呼號矢以死殉翁姑因宜人妻身以宗祧  
大計相勸勉遂飲泣受命彌月生男悲與慰集乃越  
三月而翁歿越二年而姑又歿宜人婦兼子職喪葬

丹徒縣志據餘

卷十一 完節

罔弗如禮是時赭寇蔽江而下扶攜幼子蕩析離居茶  
蓼苦辛備嘗其境渡江而北避亂於僻鄉寇平反里  
居子英年十有四宜人命之服賈瀕行屬之曰我忍  
萬死就一生者望汝成立見先人於地下耳苟不力  
行與俱死子英至今述之猶淚潛潛下也宜人賦性  
綱直明於大義持家儉御眾寬而教子獨嚴於其卒  
也獲見子英之成立歐陽文忠有言曰觀其子之賢  
而有能則知其母之有義方今子英聲名藉藉在人  
口吾多宜人之苦守其節吾尤多宜人之教其子以  
義方惟能旌於家表於里長食此苦節之報於無窮  
也世之若守其節不得賢子孫為之後泯泯然湮沒  
不傳者何可勝數子英賢乎哉然微節母之教不及  
此爰批筆而為之傳

周成氏興化人采女邑人恩綬妻性厭華侈夫官翰林  
氏荆布如故尋夫疾作姑亦病晝夜憂惶計無所出  
乃深夜籲天兩剗股肉和藥以進奈均不起叠遭兩  
喪時子方幼殯葬一皆如禮念子早孤懇難成立教

誨尤嚴比疾發亟出簪珥授子天麟泣曰汝先世素封好善多隱德汝父雖早通籍而志未展此吾昔受之先姑者意留以周鄉里貧乏小子勉之他日能成吾志亦先姑意也年五十七卒卒後值郡城大旱子天麟出母遺簪珥益以廉俸助賑千金事聞 旌表給子樂善好施坊額子天麟山西澤州府知府在任候補道應麟河南固始縣知縣知府直隸州用

萬胡氏金臺妻年二十歸金臺事舅姑克盡婦道家貧金臺久商外省氏年二十三生一子金臺二年未歸病故客邸二十六歲守節撫孤備嘗艱苦子福泉娶媳解氏不數年得一孫而子又逝氏忍痛率媳撫孫

丹徒縣志 撰餘

卷十一

完節

六

成立

虞睦氏諸生國泰繼妻歸國泰甫十八月國泰歿越五日生遺腹子一時年二十九前室張有遺子一氏撫如已出均教以成立年四十六卒待 旌

曹施氏正金妻年二十一歸正金相夫教子里黨稱賢二十五歲守節光緒三十四年 旌表入祠建坊

李石氏立仁妻年二十八立仁卒遺孤年幼食貧教養備極艱辛子道銘克自樹立

李姚氏諸生逢辰

正志孝友有傳

繼妻精鍼黹家貧藉以度日

幼失父母育於母氏之外家王氏前丹陽王令琬爲其主婚來嬪後未幾夫逢辰卒冰清玉潔守節三十



八年光緒戊戌 旌表入祠嗣子允寬光緒己亥九月卒距氏歿時方兩月耳媳范氏刲臂救夫未愈年二十九守節宣統三年 旌表

節家乘

畢真氏曉嵐女載揚妻幼嫻內則年二十歸載揚事夫盡禮歲丙午夫歿氏年三十遺孤三均幼家貧藉鍼帑佐養殮市書籍課子成立歷四十二年含辛茹苦始終不渝比子長家業隆起猶勤儉持躬不御紈綺與貧寒時等凡醢醢酒漿之屬均率子婦自治之不徵諸市不假諸僕婦年七十二歲卒光緒甲午 旌表子其銘其德其壽經商有聲其德精醫咸自樹立邑人頌延釗爲立傳

丹徒縣志摭餘

卷十一

完節

七

張顏氏孝全妻贈光祿大夫文勳女年二十四守節顏氏母家總齏政與張氏兩家皆素封氏生長華腴習書史足不輕涉閫以外迨咸豐粵寇遭亂離舉室如洗氏隻身竄匿幾不自存汜水太平庵尼僧廣源遇於秦郵以母事之光緒乙亥氏八十生辰世家各節婦醵資爲氏壽遂依廣源有終焉志年八十二卒寶應華曉梅爲立傳

許丁氏永清女善藻妻光緒乙酉氏年二十二夫卒時孤子甫週歲氏識字明大義教誨綦嚴暇輒誦朱子家訓及歷代忠孝節義各傳記擊節歎賞每毅然曰孰謂古今人不相及哉性甘澹泊事翁姑亦至孝持

家井井有條戚屬咸交頌之子體鏡能自立候選州同例贈安人

趙王氏諸生梓妻年十七歸梓性婉淑食貧無間言夫游庠後隱於賈家業日隆事翁姑尤勤謹竭誠盡孝咸得歡心年未三十守節撫孤躬親紡績以養以教艱苦備嘗越二十年二子均能自立迨氏年五十而二子又相繼下世孀媳孤孫賴氏存活里鄰敬之孫慶棠慶壽經商有聲克承先志道光朝 旌表建坊入祀節孝祠時氏年六十有二及身猶親見之以孫慶棠職 馳封恭人僉謂節孝之報山左陳官俊爲立傳

丹徒縣志摭餘

卷十一

完節

六

柳張氏用和妻用和年二十餘旅鄂依氏兄某覓生計兄某漢陽大賈視用和如陌人用和賚恨投江而死氏聞訃誓不欲生族人以夫兄次子寅爲嗣乃守節撫孤時有德氏訟其兄者氏曰訟之何益死者不能復生徒彰兄之不義食貧茹苦命也何尤於人遂恃十指度日炊糜半釜澆厚者食嗣子躬自授讀以養以教課子綦嚴戚屬勸食恤釐津貼資氏獨不受人憐婉謝曰世尙有貧於我者我姑待之道光壬寅夷亂後歲加歉 上命截漕米助賑有稔知氏艱爲致米二石嗣後氏衣食益加惡然歲終將米轉給他人咸謂節婦之有志

節家乘

周張氏贈朝議大夫致和妻其母族雖淮南巨商而勤儉自持無驕矜氣幼嫻閨訓長讀詩書年十七歸致和生子一善慶女一孝貞年二十一守節夫患痘氏親侍湯藥十數晝夜寢食俱廢慟欲身殉族人以事上撫孤相勗遂強自抑哀屏絕酬應雖至戚罕識其面禮佛茹素日以閉戶課子自娛光緒戊戌母病危氏刲肱以療延至次年始卒突聞噩耗絕而復甦者再哭夫之餘繼以哭母哀毀骨立弱不勝衣弟妹三人皆氏教育維持兩姓積勞成疾好施與郡學失修解囊以助歲癸卯跌傷左足醫欲以手按摩接骨氏不願使男子之手親其體遂自甘殘疾丙午歲病革

丹徒縣志

卷十一

完節

五

女孝貞刲肱和藥未效卒年三十有八光緒  
彙旌入祠建坊子善慶法政畢業候選知府徐淮海  
江皖等處水災無不踴躍輸將以承先志

倪趙氏贈通奉大夫思純妻年二十歸思純性誠篤寡言笑極得太姑暨翁姑歡思純嘗客外凡家政氏悉任之未數年思純歿氏痛極欲殉夫絕粒已三日時遺子文鈺甫三齡太姑以撫孤重殉節輕諭之未幾太姑歿氏典嫁衣營喪葬生平茹苦含辛決不與人言惟對木主流涕教子嚴有義方既而子成立家漸豐氏不改常度嘗訓子媳曰處富貴當不忘貧賤崇實黜華里黨稱之子士欽亦以孝聞邑人趙紹曾爲

立傳節家乘

殷趙氏候選州同日章妻幼聰慧識字明大義年十八歸日章氏食貧無怨言日章大小試不售鬱鬱於心氏勸慰日讀書志在聖賢豈為功名計耶翁有寵妾氏事之克盡婦道曲體翁心後因妾生子日章率子女移居臨澤祝家巷舌耕餬口恃典嫁衣以度日年二十九日章病故遺一子甫七齡又殤氏痛不欲生絕粒不食者三日經翁力勸始忍痛撫養弱女勉撐門戶翁多病氏侍湯藥衣不解帶未嘗一日離翁故無以為殮典衣物為營喪葬嗣子萬祺教以義方為之完姻謀生理心力俱盡詎料授室後未數載又亡

丹徒縣志摭餘

卷十一

完節

三

氏尤悲痛女適候選同知徐恆異迎養蘇垣至此眉為之一蹙焉邑人周召齊有詩以誌其事見藝文內姪趙紹曾撰事畧

盛張氏幼許長恂為室年二十一長恂疾遂行親迎禮來歸後長恂疾篤氏親侍湯藥衣不解帶甫七日卽刲臂療之延一月竟卒氏痛不欲生嗣經姑勸始進食冰清玉潔里人敬之嗣子錫霖有聲商界

焦盛氏廣源妻年十六歸廣源事翁姑以孝聞咸豐癸丑粵寇擾鎮郡氏奉翁姑流離奔走轉徙江北備極艱辛僅恃廣源舌耕餬口薪水不足則藉針黹佐之翁歿哀禮備至庚申丹陽陷逃難人皆露宿於三江

口舟子非千錢莫渡氏脫簪珥救人無算皆得生還聞者義之生平好慈善凡有求貸者必設法卹之而始安姑卧病年餘氏刲臂和藥進竟不起歲辛酉廣源亦相繼謝世氏年二十三欲身殉戚族以撫孤大義相責遂免卒年七十有九光緒朝旌表如例子大本大恆孫啟洪啟惠均商業振家僉謂氏有苦節之報

唐朱氏世襲雲騎尉青雲女議叙知縣瑜寶妻年十七歸瑜寶性至孝咸豐癸丑粵寇擾金陵時六合戒嚴父居城內邑令溫保留襄辦城守事氏攜子省親依依不捨誓不他去父曉以大義力遣歸里歲庚申父

丹徒縣志摭餘

卷十一

完節

三

以幫辦浙江軍務殉難耗至舉室惶泣氏責瑜寶往杭謀歸櫬同治丁卯瑜寶歿於豫幕氏年二十九守節艱苦備常恃十指度日光緒丙戌姑丁又相繼謝世氏親侍湯藥喪葬盡禮天性純孝逾於常人而苦節多年冰清玉潔尤爲里人所矜式子二樹相樹滋樹相於光緒丙申保以知縣指贛省兩權萬安義甯督糧廳事氏得迎養至署教子留心政治勉爲循良毋使蹈無心之過蓄於心不自安每聞讞獄鞭扑聲輒掩耳避後園不忍聽假有平反則色然喜爲加餐吉安水災氏節日用施棉衣拯之并乞里門故舊募棉衣褲四百事其慈祥愷惻出於性成有非他人所

勸勉者樹滋分省縣丞孫保恆甲齡崗齡南齡保恆  
上海商業銀行協理均經商有聲光緒甲辰 旌表  
本邑節孝祠總坊題名 節家乘

趙姚氏提標候補千總國棟妻山東候補直隸州金誥  
次女性賢孝嫻閭範年二十二國棟歿誓以身殉絕  
粒累日經翁姑勉以大義始進食由是以婦代子職  
曲盡翁姑歡嗣繼姑鄒病癱卧牀經年氏侍奉不懈  
籲天乞身代繼姑竟痊鄉里稱之年四十四卒

趙朱氏贈奉政大夫邦煒妻廩生崇禮女性貞靜事翁  
姑以孝聞邦煒歿時遺二子甚穉氏曰婦人從夫者  
也夫歿何以生爲乃不食經人力勸以撫孤爲重甫

丹徒縣志摭餘

卷十一 完節

三

進食未三月長子紹曾病篤撫之曰爾父甫棄世爾  
又病劇家門何不幸也設不測我誓從爾父於地下  
遂私懷利剪幸紹曾愈乃止持躬儉約素好施予嘗  
訓子曰爾等雖微用亦當節須知聚沙成塔積久可  
資鄉黨貧乏者年七十子擬稱觴氏堅止之命以筵  
資送公善堂作卹嫠諸善舉等費或以年老佞佛勸  
婉謝之曰存心不欺猶焚香也處世不苟猶拜佛也  
子紹曾字海籌希曾字俊三均能守世訓數十年不  
懈孝友亦可風

潘史氏桐城人流寓京口光緒庚寅拔貢乾福妻年二  
十九乾福歿氏誓志撫孤翁振聲署清河縣因公虧

累變產以償卒於官家遂落翁存日與承太守璋友善太守知氏困苦擬令氏率其子入署撫養之氏以官署非守節所又近嫌疑固辭因泣懇送完節堂子元勳元龍均能自立

趙朱氏敦典妻年二十一敦典歿遺一女氏慟不欲生孀姑以大義曉之乃止撫姪慶榮朝齡爲嗣子克養克教卒皆成立年六十八卒

趙倪氏康壽妻歸康壽九年康壽歿遺一子甫二齡氏慟極昏絕數次擬以身殉絕粒累日翁姑以撫孤事大諭之乃勉食日夜號泣願恐翁姑聞恆隱慟因致疾歿時夫歿未三月易簣前遺囑夫兄紹曾撫其子

丹徒縣志

卷十一

完節

三

以成立冥中當默佑焉

吳張氏諸生紹仕妻青年苦節撫育孤兒三十年如一日族人咸敬仰之子恆齡邑增貢生五品銜候選典史

高李氏授武功將軍長鑫妻長鑫卒氏年二十一翁厚滋姑沈病癱八載氏竭力服勞里黨無間言翁姑歿喪葬盡禮嗣子有臨克自立光緒辛丑 旌表

李黃氏彭泰妻性貞靜嫺禮義慎舉止歸彭泰甫二年彭泰歿時年二十一痛劇欲以身殉遺孤桂生訓子綦嚴卒致成立光緒乙亥 旌表年四十二卒媳顏氏桂生妻振萬女年二十九守節亦事姑以禮教子

以義光緒壬寅 旌表

李韋氏坦妻問渠長女坦少游漢皋遇風險得癩疾時氏字而未歸或有勸悔婚者氏誓死不可于歸日適坦疾大作不能成禮登牀溺被褥盡溼氏坐以待旦次日翁兆元與氏父相對泣失聲氏忍淚跪父前曰女果命佳夫疾可愈女無怨也遂悉心事夫日夜侍湯藥滌穢濁衣不解帶者經年坦果漸痊生子女各一惟經春必發氏加意調護無微不至道光壬寅夷亂坦殉難時氏年三十子六歲女九歲氏忍苦撫孤恃鍼術度日年八十五卒光緒乙亥 旌表子慎祺孫壽箋壽鈞均克自樹立壽箋諸生急公好義庠序丹徒縣志摭餘

卷十一

完節

十四

有聲女適唐鶴生同治間鶴生病故捻亂室家蕩然艱苦備嘗遺二子甚幼時女年二十八亦誓節終身鄉里咸欽敬焉

蔣馬氏振鏞妻挾春女二十二歲守節結縞僅六閱月三十三歲卒守節十二年冰清玉潔艱苦備嘗賴十指度日鄰里戚族無閒言

虞氏四節 華氏兆祥妻守節撫孤備嘗辛苦子長慶娶曹氏長慶歿時曹氏年二十八姪長福娶嚴氏長福歿時嚴氏年二十九姪孫德銓娶閔氏歸德銓月餘夫卽病故守節尤苦一門節操人多稱之光緒甲午 旌表



蔡趙氏舉人丹禾女諸生兆培妻年二十五守節遺腹  
生一子十二歲病夭慟不欲生乃強作歡顏忍死侍  
奉翁姑以盡孝養鄉人敬之以夫弟德培子鍾駿爲  
嗣

蔣張氏諸生榮慶妻年二十九守節生子一女二以養  
以教倍極艱辛生平不苟言笑舉動悉遵禮法婚嫁  
畢後六十五歲卒光緒甲辰 旌表

陶鄭氏恒隆妻邑之大路鎮人年二十一守節遺腹生  
子名恩壽教養倍至事姑以孝聞年六十一卒

趙氏三節 冷氏國華妻年二十一痛夫遇粵寇難苦  
節自守卒年七十二氏存日嘗謂人曰男子尙節義

丹徒縣志摭餘

卷十一 完節

三

嬾人獨不能耶生平家教極嚴諄諄垂誠門庭肅然  
孫媳徐氏孫炳葆妻年二十一守節姪孫媳章氏姪  
孫鑑葆妻年二十三守節均冰清玉潔凜凜然有太  
姑冷氏風至今遺範猶稱道之三氏均邑之大港人  
趙徐氏楠齡妻結縞未一載楠齡以療疾故氏茹苦含  
辛事孀姑曲盡孝養撫夫兄子爲嗣以至成立皆氏  
之教養之力也

湯吳氏文鏞妻年十九歸文鏞越年文鏞卒氏冰清玉  
潔守節六十九年卒年八十有九光緒朝 旌表子  
國壩經商有聲孫五亦自立

文懷氏舉人春元女蒙古正藍旗文生春和妻嫺四德

工詩文年二十四春和卒嗣猶子長庚教撫之事翁姑盡禮鄉黨稱孝光緒中葉 朝廷興學堂氏與姆張娣趙痛入旗女教不修創入旗女學專以德容言工爲訓時人以曹大家方之子長庚師範畢業生巫李氏西鄉農民安石妻年二十餘夫死守節撫孤備嘗艱苦戚族稱賢年近七十卒鄉里不諳請 旌子國懷感母苦節植碑詳叙其事

陳王氏東鄉農民友蓮妻年二十餘夫卒值粵亂誓節撫孤寄寓某戚家二十餘年辛苦備嘗鄉愚不知及歲請 旌迄年逾六十始由塘工採彙具題

張班氏鑲黃旗波碩佈女正藍旗領催榮春妻生失恃

丹徒縣志據餘

卷十一 完節

三

寄養叔母家習安貧苦長復勤勞明大義年十八歸榮春謹婦職孝事孀姑姑歿榮春尋亦歿僅遺孤女氏慟劇欲身殉經家人苦勸始已撫姪錫鑿爲子不育又撫姪錫坤家貧甚恃鍼黹度日心力俱瘁卒無怨言而戚族婚表急難事必往助理盡心盡力咸稱道之光緒朝 旌表附祀寶蓋山公祠

陳張氏運理繼妻年二十一運理歿氏思以身殉旣念姑尹年老侍奉需人雖夫弟應恂娣蕭均在然當首任其勞不可驟死又日見夫弟以一人肩事畜每形支絀娣自節儉而已以口腹累人恨不卽死歷二十三年卒年四十四同治辛未 旌表

蕭殷氏之林妻歸之林未數載之林歿時年二十七氏盡哀盡禮其後以夫家無人歸侍父母以孝聞年五十三卒

焦徐氏發愷妻事夫盡禮年二十三發愷歿氏慟不欲生既念從亡事重撫孤事尤重乃忍痛飲泣誓節教子爾瑞成立年五十一卒

呂李氏宏璿妻年二十八宏璿病故李誓志守節媳劉得封妻性賢孝事姑甚謹姑病親侍湯藥經年無懈呂故務農家居呂家灣劉相夫力穡不憚勤苦嗣得封歿時年二十九遺子仁惠仁敏仁泉仁麟又遺腹子文鎔劉含辛茹苦撫子成立而捨文鎔於焦山碧

丹徒縣志

卷十一

完節

七

山庵爲僧既姑卒仁麟仁敏歿長子長媳又繼歿劉忍痛撫孤孫家賴以成年六十七卒

項趙氏蒙古順壽妻歸順壽十月而順壽歿氏誓志守節垂三十餘年光緒間旌表入祠

李范氏朝璽女維育繼妻育出嗣大啟後育生母程壽九十餘育早世氏事之彌謹不以畛域分撫孤子成立年二十六守節光緒丙申獲旌子允章諸生先

卒繼媳何亦青年守節均以賢孝稱

節家乘

唐周氏駿發妻麗和女二十九歲守節食貧茹苦賴十指以度春秋冰青玉潔數十年無笑容撫一女適李始稍稍眉壽焉年六十卒嗣子德仁克自立

余楊氏候選布政司經歷秉祥女附生鍾靈妻事姑以孝聞鍾靈歿時氏年二十七家無恆產僅有破屋數間朝夕之需惟恃戚族仗助恆苦不給氏上奉孀姑下撫子女飲冰茹蘗者數十年其間爲姑營喪葬爲子女謀婚嫁拮据萬狀心力交瘁里黨尤稱之子樹勲教之就傳讀書既長令之揚州依舅氏正鈞俾從名師游逾年補弟子員樹勲頗好善屢至遠省襄賑務保以知縣候選聲譽日起僉謂苦節之報云

楊黃氏候選布政司經歷秉祥側室揚州人生二女秉祥卒氏年二十三自誓守節助嫡室夏撫孤理家政咸豐初赭寇陷鎮城隨嫡室挈家出避亂嫡室旋故

丹徒縣志摭餘

卷十一

完節

三

與嫡子正鈞若婦遷居江北轉徙流離一歲數遷家產蕩然生事至艱苦或有勸其改志者氏不爲動族黨以是稱之嗣喪亂旣平嫡子正鈞由縣學生食廩餼候選訓導文名噪一時教授生徒從遊者眾奉養無缺敬禮綦篤二女皆嫁士族以高壽終

周王氏增生安徽候補知縣德承妻性溫淑通翰墨德承幕游江西歿氏痛不欲生絕粒已三日旣念姑老無他子又客他鄉乃勉食節哀奉柩回里道出蕪湖氏因哀劇成疾幾殆忽夢德承至舟中泣語曰周氏一切重大事全恃卿卿奚可死卿病服扶陽補品卽愈驚寤遵購服果愈事姑陳至孝姑多病氏割股肉

食姑而姑痊及德承歿姑病又作氏嚙指以血作書  
禱天祈壽願以身代親嘗湯藥日侍牀幃衣不解帶  
者數年姑卒氏典嫁衣簪珥營喪葬家貧甚侍針黹  
度日撫姪康泰爲子無力從師親課讀卒以成人五  
十九歲嗣子康泰又歿媳趙康泰妻亦賢淑康泰歿  
氏欲身殉姑以撫孤事姑事重論之乃節哀誓節事  
姑盡孝極得歡心生子榮保榮信榮俊孫媳孫榮保  
妻亦青年守節榮俊以孝友聞里人趙紹曾爲立傳  
仲盧氏定齋妻嫺閩訓明大義定齋歿遺二子詳典詳  
履氏教撫備至道光末粵亂起氏挈二子避居江北  
亂定歸里屋舍俱燬氏竭力復造成豐庚申長子詳  
丹徒縣志摭餘

卷十一 完節

三

典亡光緒己丑次子詳履又亡氏忍痛撫孀媳稚孫  
年七十四卒媳殷詳履妻性端莊樸實年二十八詳  
履亡氏上事孀姑下撫幼子盡孝盡慈姑卒氏痛欲  
身殉者再經家人苦勸乃止生平好施子遇族中貧  
乏者勉力扶助子鎮珂鎮瑚均克家

趙王氏恆元妻性貞靜事孀姑張甚謹姑愛之篤語人  
曰吾茹苦多年今得佳婦可望得賢孫矣年十九歸  
恆元甫三月恆元歿血與淚俱昏絕數次然念孀姑  
在堂若從夫死則侍奉無人乃飲泣侍姑家故貧日  
事紡績供甘旨決無怨言生平慎舉止非大事不踰  
閭撫姪開陽爲嗣教育備至年六十三卒媳王開陽

妻歸開陽未三年開陽歿氏卽欲身殉未果終喪後  
竟投繯死均 旌表入祀節孝祠

張吳氏邑東大港市太學生洪高妻洪高歿時氏方二  
十有幾繼姑猶在堂年已七十餘子崇惠亦孩穉家  
徒壁立無以爲殮氏典衣物鬻簪珥以營喪葬艱苦  
備嘗厥後衣食所需咸取給於十指雖冬月手龜出  
血猶孜孜勉作每屆二鼓一燈熒然子坐其旁母猶  
伴讀二人相對顧影自憐往往夜深泣數行下繼姑  
余年邁多病纏綿牀蓐氏以病久口味不佳每市時  
新食品以奉之親侍湯藥衣不解帶者十數年及姑  
臨終執氏手曰汝侍我竭力天報汝子成立我地下

丹徒縣志摭餘

卷十一

完節

三

當佑汝又呼崇惠涕泣而言曰汝母青年守節克盡  
婦道食貧茹苦至矣盡矣汝當效汝母之所以事我  
者事汝母始不負汝母之苦心言訖而逝崇惠有聲  
商界家道日豐氏就養十餘年享壽考終崇惠白其  
事於當道賻而旌之并乞里人耆老題獎焉崇惠至  
今餘哀未忘每於忌日祭掃時輒流涕曰今欲如昔  
之在港時菽水承歡而不得而今已矣夫復何言鄉  
里述其行誼如此咸謂節母之有子

辭

節趙紹曾撰傳  
并寶森王森題

徐劉氏仁淦妻進士候選知府禮奎女幼孝父母性端  
莊不苟言笑年十七歸仁淦多弱疾結褵甫八月而

仁淦卒氏誓以身殉絕粒數日時翁姑均在堂勸解百端始允爲未亡人姑體弱多病家亦貧甚氏辨色起理家政晝操并日夜勤紡績寒暑無間竭力承歡甘旨未嘗或缺嗣子德鼇教養備至克自立尙義道有傳光二十八年經同鄉京官朱恩浩等據實上聞獲旌入祀節孝祠里人趙紹曾爲立傳

張王氏邑東順江洲國子監生厚培妻年十九歸厚培荆釵布裙克勤克儉處娣姒間亦雍穆治家政井井有條事翁姑承色笑奉甘旨得翁姑歡厚培病歿氏年方二十餘僅一女甫數齡泣血呼號矢以身殉翁姑以宗祧大計相勸勉始飲泣偷生立嫡姪以恕爲嗣遂毅然以教子女爲己任迨子女成立婚嫁粗完內外孫曹膝前環侍氏願而樂之鄉里僉謂微氏之教不及此邑人趙紹曾撰苦節事略以表之

江華氏衍隆妻歸衍隆未數年衍隆歿時氏年二十七迺誓節撫孤辛苦備嘗子賴成立

王嚴氏光彩妻二十六歲守節至五十二歲計苦節二十六年冰清玉潔三黨稱賢里人敬之子耀祺孫爵昌爵源俱成立

江王氏慎杭女伯德繼妻歸伯德後孝養衰翁鄉黨無閒言家貧伯德業岐黃不克展志僅恃薄田數畝日與他人共甘苦勤儉持家年三十守節冰清玉潔茹

苦含辛撫養幼孤雖慈愛備至不少姑息卒能致兒輩成立子掌鈞掌成掌禮均粗有衣食而氏不及享用惜哉年五十九卒

高戈氏承楫妻在室以孝聞年二十一歸高先是姑周氏於咸豐十年殉難

見正志義烈表

翁肅玉老且病氏孝侍

維謹二十九夫卒遺孤長馥長柏皆幼稚教撫以至成立咸資十指艱苦備極性慈愛從姪姪女幼失怙恃教養悉如己出至老勤勞不息歿時孫曾羅列乃執子手笑曰吾今得報汝父於地下矣苦節四十年待旌

陳張氏懋言妻諸生德芬女咸豐壬子三月懋言卒氏丹徒縣志據餘

卷十一

完節

三

年二十九慟欲身殉明年粵匪陷鎮居宅殘破遂返居西石城村家中落食用不給氏盡瘁撫女與姑洪飢困相守歲庚申賊陷丹陽北掠猝至村氏懼不免急謀死所投於塘浮沉久之忽遇戚仇某經過援起久之乃甦里人欽其節咸慶其更生同治丙寅嗣子曾年又殤遂依女夫張文霈以居女事姑以孝聞相依爲命年逾六十夫弟懋恆命子慶年迎歸慶年事之如母越二年卒年六十有四

道茅氏晉蕃女傳琛妻年十八室於道踰年生子又踰年夫故一慟幾絕翁姑勗以撫孤成夫志强起食飲姑患疽更七晝夜勺水不入口氏剗肱和藥進竟瘳



子受章諸生純謹有行誼皆氏之德教所詒也金匱  
周同愈記其事刻入刪亭文集里人趙西彝撰聯句  
云剜肉療姑至孝感神明藥裏不求葠朮品和丸訓  
子晚甘酬節母萊衣新染藻芹香此聯勒石於節孝  
坊左

趙李氏監生閻霞妻國鈞女年二十三歸閻霞未二年  
閻霞卒遺子一氏痛不欲生翁煒堂諭曰殉夫易撫  
孤難今幸有遺子汝死將誰育氏乃忍死撫子年四  
十卒子培本附生族人紹曾爲立傳

高張氏蒙古氏多穆駐防濟喇敏妻領催鄔勒興阿女  
幼嫻女訓夫病竭力醫治夫歿時氏年二十八遺子

丹徒縣志摭餘

卷十一

完節

三

女各一教養兼施俾以成立年五十二卒咸豐壬子  
旌表建坊入祀節孝祠子三元附生孫崇椿亦附  
生崇樸崇藻光緒甲午同科舉人

鮑劉氏蒙古氏巴林駐防三德妻年二十一夫歿無子  
持齋奉佛住持延壽庵年七十六卒光緒壬辰 旌  
表建坊入祀節孝祠

董沙氏蒙古氏巴林駐防善揚妻善揚以戇直招忌死  
於湖務公差時氏年二十六遺子良厚教養兼施弗  
少姑息及子成立遂住延壽庵學佛年四十七卒光  
緒戊申 旌表建坊入祀節孝祠

方宗氏壽妻事舅姑盡孝壽歿氏痛不欲生旣以子女

均幼忍死撫孤冰清玉潔三黨稱賢曾孫銓熙獲請旌表咸謂無愧云

方茅氏桂生妻好讀書明大義孝事孀姑桂生疾篤氏中夜禱天乞以身代桂生歿哀慟誓殉姑以養姑撫孤責之乃飲泣忍死茹苦含辛恃鍼滷以事畜孫銓熙特請旌入祠

趙應氏慶恩側室夫卒時年正少誓志撫孤賴以成立生子邦琛邦荃歸營守備

趙王氏懷曾妻二十三夫亡氏斷指灑血夫遺像中以自誓

邵趙氏子棠妻明大義夫病篤氏剜股和藥進惜未痊及歿氏時年二十一痛不欲生既念姑在堂無人侍奉乃忍死養姑姑病又剜股飲姑

趙吳氏慶楨側室夫歿時氏年二十七誓志不他適撫嫡孫如已出刻苦自勵節省千金爲長孫授室咸賢之

朱姚氏監生福齡再繼妻東臺廩貢生應元女年二十四歸福齡時嫡程遺子女各二繼楊遺子二氏皆撫如已出俾各成立三十歲守節冰清玉潔里黨稱賢子慶安慶榮慶泰慶貴均經商有聲

趙周氏邦和妻邦和隨父拒賊死氏聞耗痛不欲生既念夫無嗣乃嗣姪昌壽爲子撫如已出夫殉難時遺

二幼女並撫育成人

戴趙氏鹽經歷述卿妻刑部主事祖培女性純孝父病篤氏割股療父疾歸述卿後述卿病氏又割股療述卿乃愈未幾復疾作卒時氏年甫二十餘誓志守節蔡李氏鴻年側室歸三載鴻年卒二十八歲守節家貧以針黹供舅姑甘旨撫諸孤悉成立年六十七卒光緒丙申旌表

蔡吳氏志培妻年十九歸志培每以女紅佐夫年二十九志培咯血卒撫育遺孤克盡婦道苦節二十餘年五十二歲卒光緒丙午旌表

李陶氏候選鹽大使大本繼妻大本患病有年氏質鬻

丹徒縣志摭餘

卷十一

完節

三

衣飾爲醫藥費大本病篤氏徹夜叩天願以身代兩膝跪處常有血痕大本卒誓以身殉經戚族再三開導以撫孤爲重乃免二十二歲守節五十餘歲卒冰清玉潔里黨稱賢臨終執子手曰我一生苦節天必報我子孫成立後子宗俊果有聲商界爲人謙謹時以修譜建祠爲念孫允奎亦能克紹家聲有孝行光緒丙子請旌入節孝祠

張袁氏諸生淇女諸生善揚妻年二十八善揚卒家貧撫兩孤成立督責尤嚴期望之心甚切後果長子敦復有聲商界次子敦臨諸生能讀父書均純謹不預外事皆母教也光緒戊寅歸甯二年歿於金壇寓次

胞兄善爲立傳

陶賈氏光文妻年十九歸光文五年光文卒時年二十有五矢志守節甘心困苦人未見其笑容姑病多年善事之終身無倦色病篤時日夜侍湯藥衣不解帶者數月浣濯穢服三年亦無怨言歿後哀毀盡禮里黨皆欽其賢孝嗣子明遠經商有聲仰承慈訓勇於爲善咸謂母教所致光緒辛酉 旌表

楊周氏繼傳妻年二十四繼傳歿氏誓節垂四十年宣統元年 旌表年六十二歿

趙殷氏主事慶楨妻慶楨故氏年二十九隱痛在心因翁老病多年不敢大聲哭泣恐傷翁心氏親侍湯藥衣不解帶數月事如生父里人稱其賢孝翁歿立堂姪爲嗣備嘗艱苦毫無怨言

楊李氏江都附生鍾傑妻流寓京口年三十守節撫孤成立備極艱辛事親以孝聞戚族無閒言光緒朝 旌表

趙徐氏世襲雲騎尉邦琛妻邦琛故氏痛不欲生姑及本生姑以氏孕力勸未敢痛哭每於深宵燈火旁則潛然涕洟生一子未一月又殤氏憂鬱成疾幾死幸一女侍奉始稍解光緒朝 旌表盱眙王遜爲立傳

鄒端木氏祖安妻暨女祖安歿時氏年二十九哀痛極至屢欲身殉時姑劉在堂食同桌寢同榻氏念姑愛

甚因忍死苦守嗣四姊妹歿遺子女各一氏撫如已  
出教以成立光緒庚寅旌表生子會林河南息山  
縣典史有政聲

高張氏職員厚和妻年三十夫故誓節撫夫弟子長頤  
爲嗣性素仁厚恆以慈善訓子光緒乙卯旌表

閔匡氏可信妻盛德女年二十七歸可信越二年可信  
卒家貧翁堯功又逝夫歿絕粒以死殉嗣念姑樊及  
父母均在堂苦勸遂止勉以鍼膏供甘旨姑病日臥  
床榻侍奉惟謹迨歿哀毀盡禮撫遺孤教養成立冰  
清玉潔矢志靡他艱辛備歷守節數十年如一日子  
從鑿亦以孝聞有聲商界孫之訓幼讀聰慧人咸謂  
丹徒縣志據餘

卷十一

完節

三

苦節之報云

謝馮氏益卿妻知友女年十六歸益卿十九益卿卒氏  
識字明大義哀痛餘生焚香告天立志修行取名妙  
蓮終身茹素供奉大士佛像以逐年所得經資及鄰  
近香火積銖累寸繼以勸募得建觀音庵於城西白  
馬坊艱苦備嘗而誦經禮佛猶孜孜不倦搢紳世族  
多稱道之

蔣吳氏權妻覲揚女年二十一婦權越四載而權歿氏  
痛不欲生擬以身殉旣念身孕五月若幸生一男則  
宗祧不絕否則死未晚也後果遺腹生子士元飲冰  
茹蘖歷二十年卒能撫孤成立幸獲游庠每欣然喜

曰今而後可告無罪於夫矣性端莊不苟言笑非大事不踰闔凡戚族中後輩求見者卒謝卻之年四十五卒光緒朝旌表入祀節孝祠胞姪士勛爲立傳

乘 蔣家

守貞

吳同慶聘妻蔣氏父榮輝在日與其翁指腹爲婚及長未娶同慶病故家中落至無以爲葬誓不再字遂歸吳適姑病卒氏脫簪珥爲夫及姑營葬盡禮含辛茹苦嗣子鶴齡教以成立讀書有聲宣統元年旌表建坊

黃貞女浙江候補巡檢寶璋女諸生何煥國之聘妻也幼端慧事父母祖母咸得歡心好讀書解吟詠初煥國與其弟三兄煥華爲孿生竝補學官弟子寶璋以兩女分字焉旣煥國未婚而歿家人匿訃音未告貞女微知之泣請於父母以死自誓遂於光緒癸巳歸

丹徒縣志

撫餘

卷十一

守貞

三

何氏成婦禮丁酉十月卒年三十與煥國合葬寶璋哀其遺詩爲女貞吟廣徵題詠曰表貞集光緒二十九年旌

李貞女國學嗣宗次女字同里趙世勤長子學濤爲聘妻學濤出外久無音耗世勤乞媒灼退婚令適他姓女矢志不嫁孝養父母自誓曰此心匪石不可轉移生爲趙氏人死爲趙氏鬼諒兩家二老當無不見許也因志不可奪遂依兄嫂度日侍老母卧病有年奉湯藥不離側賢孝可風族人敬仰邑人趙貽第爲述事略以傳之

卜貞女旗籍蒙古舒波克齊氏廣清女幼失怙恃依兄

嫫以居兄多子女女晝夜勤針黹佐之暇爲嫫任操  
作自以髻齡孤露賦命不猶欲效北宮嬰兒子故事  
年已逾笄猶未字人迨年二十八始許同籍蘇書雲  
爲繼室未歸蘇而書雲歿女聞耗誓以身殉經戚鄰  
勸慰許以歸蘇守貞乃已書雲歿母慟甚得貞女歸  
盡嬾道姑慟漸減迨姑歿女悲戚逾常年三十八卒  
光緒甲辰 旌嗣夫兄子炳寬爲兼桃子炳寬諸生  
彬雅絕倫善金石篆刻撫鐘鼎欵識有聲

吳貞女儒童蔡文琳聘妻廩貢生世鏡女幽閑貞靜事  
父母以孝聞喜讀書工詩文光緒己丑四月文琳歿  
於金沙試寓父母秘不與聞女於次年九月始悉矢

丹徒縣志摭餘

卷十一

行貞

三

志守貞旋以死殉嗣子蔚東克自樹立

薛貞女許嫁胡大華大華病卒女年十五矢志守貞父  
母諭止之胡亦遣人勸免女終不可曰立志如此萬  
不可奪遂如其請乃已

張貞女諸生胡永芳聘妻永芳力學病卒貞女立志守  
貞胡張二姓皆寒素貞女誓志不渝邑人周伯義爲  
之記

李貞烈女蔭芳女丹陽葉景先聘妻性仁孝母東病在  
牀褥女扶持搔抑未嘗廢離乾隆庚戌四月五日景  
先從父赴郡舟覆丹徒聞口父子俱死家人知女貞  
烈戒勿言鄰有小女奴述之女聞之默然尋請於母



欲白父奔喪母意未決問於葉姑以女年少堅不允女遂不復言惟急望父歸迄初六昏時取家中合瘡疥藥之砒服之整衣安卧有間語母曰兒思父母有兄嫂可依孀姑亦三子皆無需兒但兒畢命後父母幸勿傷重兒不孝足矣母驚呼家人欲投藥解之女曰吾中毒已久知不可救然後敢言果愛我惟令速死爲幸或曰不念汝父母乎女徐曰吾不敢偷生正恐忝所生耳數顧兄嫂以善事父母爲託旣噴血數升曰吾殆將死矣起坐櫛髮就枕而絕面不改容時年二十

高貞女儒童嚴清恪聘室清恪年二十一沒於淮上氏

丹徒縣志摭餘

卷十一

守貞

罕

年方十八聞而飲泣不食以死自誓父母曲爲寬慰不可解乃商於翁姑許奔喪守志乃已氏入室朝夕於清恪遺像前茶蓼自甘堅貞之操聞於里鄰翁爲立嗣氏曲盡撫養教子成立郡邑兩學諸生公請給匾以一貞自矢字旌之郡守謝啟昆亦給以生而貞淑之額邑令徐天球爲之記

節家乘

鄭女桂英六合人父設小肆於郡城西小閘口以女許嫁揚州吳姓吳子嘗病劇女訛聞已不起潛仰藥死時光緒二十三年女年方十七也吳父迎女柩歸葬并爲立嗣持服焉

貞女趙氏漢章女字同邑嚴熙齡熙齡作宦湖南旣涓

吉父送女舟抵長沙前一夕熙齡暴病卒女請於父  
毅然至夫家毀容成服矢志守貞事孀姑以孝聞湘  
中大吏上其事於朝光緒三年 旌表如例初女之  
在室孝於親友於弟天久雨弟室牆欲圯女以己室  
易之曰無危吾弟也鄉俗臘祭規麪爲餅取團樂之  
義餅忽碎女懷之更製以進曰如有不祥獨災吾身  
無累吾親及弟也生平明於大義勇於任患如此臨  
變故而自自立宜哉 旌後二年卒入祀本邑節

### 孝祠

陳貞女元治長女幼許倪姓子未幾倪子死時女未及  
笄聞信誓不他適父母知女貞不忍奪女事父母致  
丹徒縣志摭餘 卷十一 守貞 三  
愛致敬數十年如一日終歲勤事紡績助薪水資年  
逾七十卒

于貞女甫周歲失恃賴孀母陳撫育九歲又失怙許唐  
秉璋之子楚書爲聘妻年十一秉璋認爲義女先過  
門撫逾已出女聰慧識字明大義年十八將擇吉成  
禮未至期而楚書歿女泣血誓以身殉翁姑防嚴百  
端勸解兄賓來接回導以另配女絕粒矢志不從兄  
仍送女返唐翁姑感其真誠命抱木主成服遂以婦  
職兼子職得歡心年二十翁邁療疾女親侍湯藥寒  
暑無間延四載焚香籲天刲臂以療果愈數日歿後  
哀毀骨立自恨賦命不猶生機頓絕衣食所需取給

十指以事孀姑年三十五姑患痢病亟女倉皇失措復割股肉進之又不起傾衣物以營喪費得表叔汪諫臣助其不足殮葬如禮光緒甲辰旌表入嗣嗣子承宗教養成立孫三學會懷寶興寶均能不墜家聲備述顛末僉嘆其愚孝之苦心云邑人向愛仁爲

撰傳略

節家乘

嚴貞孝女荷姑永吉女甫周歲值痘疫致目瞽生有至性母張重聽女能先意承志凡家庭瑣事有不如意者輒秘之恐傷母心母患乳核逾二載女憂傷憔悴計無所出矢志茹素以求速效母歿矢以身殉經兄家驥勸解鬱結致疾亦患乳症兄爲之醫治女心滋

丹徒縣志摭餘

卷十一

守貞

三

不悅冀速死謂天以苦吾母者苦吾亦所樂受焉年

四十二卒

節家乘

蔣氏女名淑貞字德恆附生紀雲女性孝友母趙染痺疾不健於行弟鑫甫五齡弟瀚尙在襁褓烹飪針黹皆女任之母病劇女昕夕不離左右事奉十年如一日母歿哀毀逾恆喪葬盡禮祖母孫患濕痰症諸醫束手女借壽顛天割臂煎藥療之女誓志守貞不字鄉人敬之

仲貞女子權三女性柔婉嫻文字長念父經商淮地母賈年高多疾病侍湯藥不忍遠離誓志不嫁聞父母爲議婚輒憂形於色涕淚交流父母見志堅遂不奪

其志

劉貞女李仲英聘妻連全次女名仙芝年二十一未婚夫故矢志守貞同姊侍奉父母朝夕不離爲父母承嗣兩子三十三歲卒

李貞女許嫁張思沛未嫁而思沛歿年二十二過門守貞越二年翁開洪病瘵女割股療之

陳貞烈女張某聘妻未婚夫客死吳門女聞訃絕粒死翁姑迎柩歸葬

陳貞烈女順江洲人監生昌林女許嫁王姓夫家惑於浮言將有異志女聞言自縊死時年二十一旬日間造言者竟遭天譴夫家始悉女冤遣媒迎葬祖塋立

丹徒縣志摭餘

卷十一

守貞

三

神主以祀

韓貞女許聘陳山曉大港官塘村人年十七未婚夫故誓不再字依母氏親戚耕織苦守

陳貞烈女許耀瑞聘妻陳詩女年二十四未婚夫故聞訃投井死

吳貞女王賢助聘妻年十八未婚夫故聞訃奔守孝事翁姑七十六歲卒

趙孝貞女禮貞姑義鑑女守貞不字鍼黹事親

陳貞女趙志興聘妻年二十一未婚夫故聞訃奔守七十二歲卒嗣子錫盛死於兵婦朱氏亦守節得旌

李孝貞烈女四姑順祥女女在室事母矢志不嫁母病

竭力服侍母卒女自縊死

何貞烈女李承宗聘妻南溪女年二十未婚聞夫故意欲奔守未果投於溪水求屍不獲翌日屍逆流而上浮於承宗所居門前狀貌如生其衣裳舄履皆鍼紉緊密遂與承宗合墓

嚴貞烈女李文波聘妻年十四未婚夫故女自縊死

李貞女庭煥女生四歲字同邑蔡姓子未幾髮逆至庭煥攜女移居興化蔡亦他徙女及笄訪蔡不知所之女矢志不願更適依胞弟子安鍼黹度日

程貞女周先壽聘妻鳳樓女年十九未婚夫故聞訃奔守哀毀骨立閱五月而卒

丹徒縣志摭餘

卷十一

守貞

四

范貞女殷祥桂聘妻年十九未婚夫故聞訃奔喪誓志守貞事姑能盡職姑卒喪葬盡禮復撫夫之姊成立爲營妝奩亦豐儉適中里黨均欽其賢惟嗣子與媳均不肖可怪也

袁孝貞女諸生洪女母氏嚴多病女竭力侍奉頃刻不離能先意承志父母歿哀毀幾不欲生慟厥者再

趙王氏復初聘妻復初歿氏入門守貞數十年如一日撫兼祧子天鵬教養備至世居大港鎮歲節衣食費施濟本鎮貧窮嫠婦旣以年老命兼祧子天鵬將揚中縣豐頭壩洲田八十畝送本鎮卹發會勒石立案光緒戊戌江蘇學政瞿鴻禨題贈貞乃吉匾額

人物十三 列女三 義烈 孝烈 節烈

許茅氏諸生善詩妻氏病痿夷氛告警氏避孀姑陳氏暨家人囑夫代縊於小市轎夥屋內善詩負母遠逃時道光壬寅六月十五日未時越數日夫收屍已失

一 支體

見孝友傳

子體良孝養祖母甚謹

許孫氏善煨妻少嫻閨則歸煨謹持婦道得翁姑歡生三子佐夫訓導有義方次媳王體舒妻歸體舒姑媳相得數十年無間言季媳紀體方妻幼尙志不輕許人紀母欽孫儀矩遣媒灼議婚聘已納尙未歸體方值粵亂亟迎娶甫七日賊突至孫急率兩婦縊於內寢賊壞門入見孫及王氣已絕惟紀尙活釋之復乘

丹徒縣志

摭餘

卷十一

義烈

聖

間走出赴水死同治朝 旌表

許烈女學 女咸豐朝粵逆犯鎮江過西洲肆騷擾見女欲亂之女急走投河死

楊莊氏拔貢美曾女諸生世恩妻上事太姑存歿盡孝光緒三十四年世恩暴疾不起氏從容檢理衣衾不哭亦不食家人訝之殮畢水漿不入口者七日竟以身殉長子程祖諸生

凌童氏耀忻妻歸耀忻久不育力勸夫納妾育子夫不允無何夫病篤氏中夜焚香潛割股肉和藥以進奈不瘳夫歿慟甚誓以身殉因絕食三日不死復吞金又不死乃自縊死時年三十七待 旌夫堂兄耀祥

命子穆堂爲兼祧子

扎嚕特氏張蒙古鑲黃旗康泰女佐領同瑞書畫妻娣有傳

敖漢氏馬順連女領催恩瑞孝友有傳妻道光壬寅夷亂

同瑞方領前鋒恩瑞亦効力行間六月十四日郡城

陷二氏聞警乃相泣曰事不諧矣苟有犯當同死但

兄弟二人未得一面存亡不卜爲可傷耳然兄弟果

能竭力亡則相逢地下存則圖報將來死復何憾語

未竟衝門甚急遂以一繩繫雙頸同時自縊時張年

三十一馬年二十八俱彙 旌楊履泰撰雙烈阡表

李三孝烈女長美英次秀英三鳳英父慎儀母氏韓生

子二及女姊妹三二子未授室先後歿女遂均有奉

丹徒縣志摭餘 卷十一 孝烈

巽

親不字之志僑滬多年曲盡孝養光緒己亥父卒奉

母在申十餘年日夕不離母側甲寅四月十四日母

亦卒女電知其舅韓崧蕃韓命其子到申視殮女因

痛母於十八日同時自縊以殉一時滬上驚傳莫不

嘉其孝烈俱祔葬先塋側

李張氏諸生辰翼女諸生壽榮妻克盡婦職咸稱賢孝

光緒辛卯春壽榮歿氏笑啼並作日餐果不餐飯或

勸之食辭以不能容羣疑焉隱防之夫卒逾月俗例

焚冥宅是日肩輿出逾時歸乃以已仰藥語家人僉

大驚救之堅不啟口夫弟壽慈長跽請氏笑曰時已

不及況吾志早決何救爲遂卒時年二十八光緒朝

旌表嗣夫弟壽慈子葆緘爲子邑人吳保齡爲立傳  
王巖氏全鑑繼妻年二十歲夫故後誓以身殉卒得聞  
自盡由採訪局詳請會 奏奉 旨旌表  
王徐氏明發妻年二十一歸明發事翁姑以孝處娣姒  
以和明發服賈真州得弱症歸氏親侍湯藥歷數月  
不稍懈光緒辛丑春明發歿氏伺夜深沐浴更衣仰  
藥歿嗣夫兄子正祥爲嗣

朱耿氏喜慶妻性貞烈知大義生子德元生元慧元嘗  
語之曰汝曹身受國恩慎毋以自辱者辱國若徒事  
勤慎以爲不虧小節則未矣道光壬寅英夷犯鎮夫  
剛勇矢效忠氏慷慨與言曰吾已恨爲女子不能執

丹徒縣志摭餘

卷十一

節烈

四七

干戈衛社稷願復死賊手而爲國辱耶今幸三子成  
立均可爲國殺賊請速與俱毋以我爲念若遲出是  
速我死也夫遂行慧元從德元生元不肯行氏促之  
德元生元跪請曰三弟旣隨父去吾兄弟生死願與  
母共氏因弗強之出時有鄰婦十數人在側適聞城  
垂陷乃相集於城西南隅唐顏山東麓積薪四周焚  
之德元生元與焉時六月十四日也

陳楊氏蓉妻夫故自恨無嗣夫兄以子兼桃氏歎曰婦  
人夫死稱未亡人爲遺孤計我無嗣活何爲百日後  
喪葬事畢遂仰藥自盡時光緒三十四年四月十八  
日也



烈婦張氏莊介祐妻年二十以節烈死詳朱方蛻農所

撰張貞婦傳張貞婦吾邑兩文貞公族裔也父鴻文

聞於族鄰有奸駟莊學明者為其子介祐求聘焉張

氏不知學明之人而禽也諾焉光緒三十四年八月

貞婦年十九適介祐姑與夫皆賢之學明願非禮言

嫂性與人殊未爾月伺貞婦服勤左右頻加非禮言

語戒勿聲曰有我在若無恐之貞婦不能忍泣懇於姑

姑所然學明素虐遇其妻姑實不能底貞婦遇窘急輒奔

牌戲往往夜出弗歸介祐亦遣去家祇有防大寇雖姑亦一學

學明輒閉門弗納并傭媪亦遣去家祇有防大寇雖姑亦一學

明益無忌百方誘怵貞婦媪亦遣去家祇有防大寇雖姑亦一學

歸甯為囑明年三月遂常避居母家四月晦日介祐

以近端陽節自來迎母勿許介祐請期五日矢無他

虞母強貞婦隨介祐歸學明怒預鍵外戶介祐叩門則

輒苦以事侵曉乃罷又明日預鍵外戶介祐叩門則

怒詈叱去是夜貞婦兄善昌驚悸不寐瞥夢貞婦泣

於莊氏門外天明急趨視則貞婦已死牀上學明前

遁矣詰其姑漫以自縊對時貞婦家人聚哭視貞婦尸血

已酉五月初二夜事也寡母家人聚哭視貞婦尸血

丹徒縣志據餘 卷十一 節烈 巽

泔泔自眼口出兩頰及脣上青紅手印狼籍夾脰亦

如之頸下皮裂矣而左掌心糜爛尤甚以貞婦叔父

廩貢生藻文方客鄂姑斂以俟斂時又見兩腋及兩

股下並多青傷聞者咸謂非圖逞不遂憤嫉致死胡

以鱗傷若是百喙莫能掩也藻文歸亟鳴於官及啟

棺經盛暑十日尸如生官驗咽喉下布帶痕一道平

繞周匝確為勒斃訊姑李氏備供學明諸無禮狀閱

三月貞婦仲兄保昌調知山陽僻寺匿一僧不習經

梵惟設張氏主晨夕拜禱亟率役往果獲學明大吏

檄原驗官會鞠具服調姦不從挾恨謀勒獄詞既上

矣學明尋知律應坐抵大懼前令之初驗也以頸傷

確鑿遂允張氏請未褫尸衣而餘傷謹據訴牒錄轉

有以貞婦冤上聞者旨下江蘇督撫讞定而承

審員欲改附羞忿自盡律以貸學明之死然梗於原

變作矣辛亥後有所謂檢察廳者復蒸驗於尸腹胃

部得碎金百有七粒遂曲詞附會定為服金後自縊

死謂學明經赦釋不罪然貞婦戕於強暴貞心毅魄

終古不可磨滅則闔郡士大夫下至閭巷婦孺咸翁

然無異詞今奄忽九載矣同里法部參議劉君夙以

治獄仁恕名京師予與互勘全橐確詢事狀相與悲

貞婦之冤弗白也。因藻文請特傳其始末，敬為天下後世扶植倫常之君子告焉。蛻農氏曰：哀哉貞婦之死也！據覆檢所見，吞金逾百粒，勢必死，未能遽絕而更猝死於強暴之手，是一夕之中，迫厄至矣。艱卓至矣！聖人禮以明倫，刑以弼教，彼淫凶之辜，縱一死奚足蔽哉！迺頸傷交匝，證佐甚備，而妄以縊論，彼何人斯！惡足以昭雪節烈哉！昔道光甲午，趙氏婦死於淫姑案，與此類。提刑滿洲裕公謙表以墓碣徵當時名士，作為詩歌，特繫之。父姓而定其稱曰王貞婦，以奇烈著，其所由來，率遭遇人倫之變，非邑之不幸歟！然女教之昌，百世而後，足以風矣。

向鳳姑字馨蘭，協領魁昌女性，貞靜嫺閨，訓讀書有至性。兄愛仁宦游河南，父母不願離鄉井，家政女悉任之事，親靡不先意承志。每親有疾，躬嘗湯藥，晝夜不離數十年如一日。偶議婚，意輒沮，嘗謂母曰：女祇願常侍父母，不願適人。母歿時，女將五十，慟欲身殉，經丹徒縣志據餘。

卷十一

節烈

四十九

勸暫解，顧心久死。辛亥變，傷世道益衰，決意從親於地下，遂乘家人熟睡，自縊。死年五十四。宣統庚戌旌表孝女卒後，入祀節孝祠。

高周氏，鼎玉妻，咸豐庚申粵匪擾郡，時避居北呂村。四月初二日，賊至村，擄掠氏，明大義，嘗訓子婦云：人生設不幸，事變當前，惟有效古人從容死節耳。何苟生為至是，果罵賊不屈，遂殉難於北呂村石洞中。時年四十九。

陳茅氏，榛女，桂榮妻。年二十歸桂榮，孝事翁姑。夫病瘵，侍奉湯藥三年不懈。夫故泣血不食，死時年二十五。嗣子安履。

趙英第安徽刑部主事慶德三女性至孝誓依父母不  
適人嘗語兄天鵬曰恨吾不爲男子未能顯揚二親  
兄其勉之恐母勞凡中饋事悉任之光緒壬辰父患  
痰喘女焚香祝天曰父亡則我亡父存則我存父壽  
盡願以己算益之已而父愈庚子父舊恙復發女親  
嘗湯藥夙夜不懈父夜卧轉側需人女侍側目不交  
睫父恐女力竭屢催眠女佯應之壬寅春父復發舊  
恙女度難痊乃私自料爲異日就義計父歿助兄殯  
殮畢語姊妹曰長姊割股進父可稱竭力四姊九妹  
宜孝養翁姑事諸母有兄及十妹念父九泉孤苦哀  
慟實深今我相從地下庶左右有人服勞奉養也遂

丹徒縣志摭餘

卷十一

孝烈

卒

潛服鳩死去父歿僅二十餘日年二十六

董陶氏麟書妻氏識字明大義侍姑疾親嘗湯藥衣不  
解帶姑歿後盡哀盡禮戚黨稱之咸豐癸丑粵匪擾  
鎮舉室避亂家人星散氏度生與義不兩全乃罵賊  
以死女喜姑甫十歲時以身蔽母亦遇害

董劉氏金書側室本蘇州人氏事翁姑及嫡母俱能柔  
順得歡心咸豐癸丑鎮城被困烽燧頻驚隨眾南鄉  
避亂值寇陡至一門衝散氏與子璧同時殉難於竹  
林之下

項劉氏蒙古穆金額妻年未三十穆金額禦粵寇陣亡  
無嗣守節三十餘年光緒間旌表入祀節孝祠

陶郭氏明昌妻事姑至孝年未三十明昌歿撫姪爲子  
教撫兼至惜嗣子不肖辛亥變起鄉人咸他徙氏以  
姑年八十三適病篤誓不舍姑去且竭誠籲天願減  
己算益姑壽姑有壽枋一具存圓通庵寇至氏令嗣  
子往取庵僧云非汝母親來不可氏不得已親往取  
之行至大市口遇亂兵刺死

張孫氏工藝女長壽妻年二十適夫閱二年夫故氏從  
容治喪既葬自縊死

張荀氏鐸妻中益女年十八夫故家貧勤女紅孝事孀  
姑姑病年餘氏百計求治姑歿喪葬畢氏自縊死

何錢氏焯妻佩璋女年二十六夫故氏屢欲自盡以救  
丹徒縣志摭餘 卷十一 節烈 至

免閱二月夫柩出殯先一日暴死子塋元

朱錢氏高宏妻夫客死蘇州氏聞訃投塘死時年二十  
八

楊高氏俊側室年二十五夫故殮畢自縊於柩旁

朱席氏湛園妻夫游幕病篤氏割股進竟卒乃歸葬及  
翁姑焉妾孕託孤遂殉年五十一

沈陸氏友鏗妻泰女年二十一夫故葬畢服毒死

沈方氏于湖妻夫客死江甯聞訃痛厥復生迎喪歸葬  
畢絕粒不食死

王傅氏臨沂側室年十九夫故葬畢自縊死

王傅氏舍人側室年十八夫故自縊死時年二十一

錢金氏春第妻年二十一撫遺腹孤守節遺孤斷乳後於夫之週忌日仰藥死

錢張氏春階妻年二十八守節歷三十三年至咸豐三年殉難時氏六十一歲子正德

李劉氏克明妻蔭園女年二十三夫故立志殉夫因有孕人勸止之忍數月生子遵龍氏笑語人曰李氏有後矣趁人不見將身卧下血衝而死

李姬氏道甫側室年十八夫故絕粒七日死

方吳氏光韶妻父名字光客死蘇省氏扶柩歸葬畢自縊死

任徐氏監生蔭椿側室年十九夫故絕食死

丹徒縣志摭餘

卷十一

節烈

五三

薛呂氏秋亭妻年十八夫故服毒死

黃周氏文生晞繼妻年二十六夫故自縊死

黃蕭氏郡庠生覲辰妻氏幼習詩書嫻禮教年十九歸覲辰奉祖姑舅姑以孝聞克盡婦職次年夫故氏年

二十一哀毀立志殉節吞金者再皆經救免遺孤甫二歲氏勉從家人勸以有待於將來詎意遺孤夭亡氏椎心抱痛其志愈絕遂閉戶吞金迨家人既覺已不及救是日乃夫故之忌日蓋不能以其志顯白於人必欲藉此日以明殉夫之志也卒年二十六歲

尹滕氏恭堯妻北鄉人年二十適夫閱三年夫病篤氏兩刲其股療之弗瘳夫歿後悲號成疾鄉隣苦其貧

議更嫁於其姑姑隱未敢言而氏已密聞之矣是年十月十九日將葬恭堯先一日服毒死有一女數日前氏齎布數尺授隣婦婦問其故答曰姑爲我留之爲小兒補綴不爲無用也氏苦節其有以豫之於早耶鄉氓誠不可多得矣時年二十有三

姚冷氏監生乃玉妻年二十一適夫二十八夫客死金壇聞訃卽投水殉節

吳朱氏宣來妻年二十九夫故殮畢泣曰吾尙未獲死所越六月葬畢自縊死

吳葛氏世襲雲騎慰國雲妻國雲卒思殉不得聞至次年五月初六日仰藥死

丹徒縣志摭餘

卷十一

節烈

至三

吳楊氏松江府城守營守備鍾貴側室年二十五夫故矢志苦守母以其年少欲奪氏志氏服毒死

吳陳氏寄生妻年二十守節三十七歲遇賊投河死

薛汪氏耕畬妻年二十六夫故哀號誓殉逾月葬夫畢絕粒不食死

章張氏文生慧仁妻年十七歸慧仁閱三載夫幕游廣東會遭兵燹音信不通氏侍姑寄居江北以針黹謀生克盡孝道姑歿氏質簪環以葬同治四年有親戚自粵來者道及慧仁於二年前病故氏聞信哀慟幾死旣曰吾聞女子三從父死母離姑亡夫歿且無子吾生安所從乎遂絕食以殉時年二十六歲

王陳氏金壇縣監生金生妻年二十一守節夫故吞金以殉翁姑救免閱一年仍以吞金死

韓裴氏開福妻年二十六夫故閱三日以頭撞棺一哭而死子景榮

張側室某氏年二十五夫故氏矢志守節不容於嫡謀

鬻之氏聞風投江死

見揚榮蜨庵詩鈔

孔朱氏廣仁妻撫五歲孤守節自矢家人逼之服毒而死

金奚氏德妻年十九適夫甫數月夫故殯畢投水死

潘羅氏延諫妻年三十夫故自縊於夫柩之旁

胡周氏士驛側室年十七聞夫爲賊所害乃自縊死

丹徒縣志摭餘

卷十一

節烈

五十四

盧趙氏培仁妻元康女年十七歸盧次年夫故守節有欲奪其志者仰藥而死

盧于氏議叙道銜世英側室夫故仰藥死

丁陳氏日講起居注官詹事府詹事立幹妻年五十八夫卒於京師任所扶櫬歸里後仰藥殉烈子傳庚傳福傳靖傳宗均有聲庠序

吉賈氏蔭森妻煥堯女年十八歸蔭森越一年夫故俟承祧定氏即自縊以殉時年二十

武周氏文成妻增貢生鏡蓉次女性至孝在室時父病篤剗臂肉和藥以進遂瘥年二十適文成時父病易湖南疾歿旅次氏攜幼弱嗣子丐親戚措資運櫬

歸里躬親葬事憂傷勞苦嘔血升餘而卒時年四十五

尹陳氏附生龍章妻龍章歿氏絕粒殉夫光緒二十二年奉旨旌表入祀節孝祠坊建磨笄山右支嶺西鶴林寺側坊額心盟皦日

余笄氏壽齡妻事翁姑盡孝家故貧壽齡又不善治生養殮恆不繼氏輔以鍼術咸豐庚申粵寇竄擾氏率長子及未離襁褓之幼子乘夜逃城外時陰晦頻聞鬼哭聲氏執慶祥手曰兒勿懼步行終夜達旦抵馬家山寇猝至氏力疲恐遭辱乃叩求馬家山民元昶攜慶祥去而抱幼子投塘死時咸豐十年四月初一

丹徒縣志摭餘

卷十一 節烈

五

日事也光緒朝旌表入祀節孝祠孫長春諸生純謹有至性

張吳氏國安妻國安歿氏誓以身殉咸以子幼無撫責之乃忍痛撫孤而潛蓄阿芙蓉膏於身畔無知之者越二十年子長爲娶婦事畢遂服所藏阿芙蓉膏死薛呂氏輔宜妻輔宜歿氏仰藥殉距輔宜歿僅十四日虞陳氏監生成祖妻粵亂隨夫避海州板浦場咸豐辛酉捻匪竄板浦氏扶姑逃甫出圩門匪已近慮爲掠擲女付夫奮身投大天池死逾五日殮面如生氏能詩殉難前一刻語同行婦女有不如死在清波裏留得遺型教後人句